

四庫全書

經部

欽定四庫全書

經部

周禮傳卷二下

詳校官監察御史

臣邱文愷

刑部郎中

臣

許兆椿覆勘

總校官知縣

臣

楊懋珩

校對官中書

臣

黃昌祺

謄錄監生

臣

劉宗望

欽定四庫全書

周禮傳卷二下

明

王應電

撰

地官下

師氏中大夫一人上士二人府二人史二人胥十有二人徒百有二十人

保氏下大夫一人中士二人府二人史二人胥六人徒

六十人

師保氏云者謂爲國子之師保以教之使在王所者咸知獻可替否之責親上衛尊之義也

師氏掌以媿詔王以三德教國子一曰至德以爲道本

二曰敏德以爲行本三曰孝德以知逆惡教三行一曰  
孝行以親父母二曰友行以尊賢良三曰順行以事師  
長○居虎門之左司王朝○掌國中失之事以教國子  
弟凡國之貴遊子弟學焉○凡祭祀賓客會同畧紀軍  
旅王舉則從聽治亦如之使其屬帥四夷之隸各以其  
兵服守王之門外且蹕朝在野外則守內列嫩美通行去聲  
保氏掌諫王惡而養國子以道乃教之六藝一曰五禮  
二曰六樂三曰五射四曰五馭五曰六書六曰九數乃

教之六儀一曰祭祀之容二曰賓客之容三曰朝廷之容四曰器紀之容五曰軍旅之容六曰車馬之容○凡祭祀賓客會同器紀軍旅王舉則從聽治亦如之使其

屬守王闡

馭御通闡音爲

二官皆主教國子以輔道王然師之爲言道之教訓保之爲言保其身體其事微有大小故所司亦微不同以媿詔王者猶將順異與之意諫王惡者猶繩愆糾繆之意蓋人才自有愷悌而如圭如玉者亦有直諒而能下鍼石者故職各有攸當非詔媿則不諫惡截然爲二事也○德性諸心行修諸身師道爲要藝以應務容以動物保道爲詳也至德者純一無僞本原澄徹萬化所從出也敏德者發強剛毅爲之不惰

百行由此立也孝德者和順積中悖亂之機自不容  
伏有不善未嘗不知也三者之德皆出于仁心德之  
全也孝行者事父母能竭其力親愛之情本其所以  
生也友行者賢者狎而敬之畏而愛之如兄弟之無  
胥遠也順行者左右就養無方事師如事父卑以自  
牧事長如事兄也三者之行皆本于孝一天德之流  
行也以是而教國子則皆元善慈良之人而所以詔  
王之嬖者無窮矣六藝義見前大司徒六儀者記曰  
祭祀之容濟濟皇皇賓客之容穆穆皇皇朝廷之容  
濟濟翔翔器紀之容纍纍顛顛軍旅之容暨暨諮諮  
車馬之容匪匪翼翼國子以道而乃教之以六藝  
六容云者蓋藝者道之所寓遊于藝者使之得于手  
而應于心容者道之所發習其容者使之根于心而  
生于色莫非養其道心之方也以是而教國子則皆  
多才能足以實用有威儀足以交養而所以能直諫  
者常不乏矣○虎門天子路門畫虎以示威師氏居

左保氏其居右歟居此以司王朝者主將順匡救之事也○國中失之事國家舊有事之得失者德行道藝平日之教也此則在朝廷之上而教之以國之典故庶臨事不迷矣○祭祀賓客會同罷紀軍旅聽治王舉則師保氏皆從隨在而當陳善納誨也復使其屬帥司隸所掌四夷之隸守王路門之外蹕止行者非其事則不得行以備非常必以其兵服者從其所便也朝在野外則守內列蕃營之在內者如守王宮也保氏使其屬守王闥宮中巷門也二官以親臣而兼守禦之事者蓋以爪牙之士而領之以腹心道義之臣此所以武人皆知忠義而無肘腋之變也

按虞廷教胄子止典樂一官其教灋唯直寬剛簡四德詩樂二事周禮若天官之宮正宮伯地官之師氏保氏春官之大司樂夏官之司士諸子秋官之宮禁皆主于教庶子煩簡不同何也夫周制每大事則六

官皆在此固設官之深意豈以胄子之教國家莫大之事而六官有不與者哉然所司未嘗不專而其教灋未始不同也蓋大司樂教以樂德樂語樂舞與夫春誦夏弦秋禮冬書此自幼至長在于學宮教以詩書禮樂也師氏教以德行保氏教以道藝此則大司徒敬敷五教故因其在次舍閒暇家庭之中或初仕爲近侍之臣而教之以修己治人之事也若宮伯所掌糾其德行教之道藝專指在王宮宿衛之時而教其大凡司士掌國子之士治諸子掌國子之倅之戒令教治則以大司馬主辨論官材故凡國子之已仕未仕者皆得與聞其教事司寇則以刑而寓教是三官但主管攝而非教之專官也然其所以爲教則所謂德行樂德何異于虞之四德所謂樂語樂舞六藝六容云者又豈外于虞之詩樂也哉

司諫中士二人史二人徒二十人



司救中士二人史二人徒二十人

諫者勸之以善而使之上達救者懲于未甚而不使入于刑二官聯職猶後世典學使者也其繫于師保氏者師保氏雖主教國子以詔諫王而實爲萬民之宗主司諫司救雖主教萬民而亦司王躬陳善匡救之事也

司諫掌糾萬民之德而勸之朋友正其行而強之道藝

德者本心之良友所以輔仁糾其德而勸之朋友者擇其黨類使其善道相切磋端其心術之微也行者爲善之實道乃事物之則藝爲應務之方正其行而強之以道藝者明道則行日進于高明遊藝則應務有餘也

巡問而觀察之以時書其德行道藝辨其能而可任于

國事者

州長攷其德行道藝而勸之此則咨訪以采夫與論觀察以審其實行以時書之升之于司徒

也

凡人有治事之才而德不足者必不足取雖有行藝可觀而無治事之才亦無所用之故尤貴其有能而可任于國事者以待賓興之時與鄉大夫互相參酌獻之于王也

以攷鄉里之治以詔廢置以行赦宥

因求賢以攷吏治能作成人之才者置之賢才放失者廢之政莫重于得人鄉大夫大比之誅賞亦以攷教爲先也赦宥與司寇聯事居圉土而能改者赦而反于中國役司空而州里任之者宥而釋其罪司諫主

導人之善故能改過者茲皆原之也

司救掌萬民之袞惡過失而誅讓之以禮防禁而救之

袞惡心術不正若語言詭譎動止陰險侮慢聖賢不敬師長足以蠱惑善類者過失行事乖方若醜營好訟拙拔兵器誤以行傷謀猷不良貽害他人者誅讓皆責之意或數之以言或懲之以朴即下文三讓三罰之謂出禮則入刑常以禮防禁之使由于規矩之中所以救之使不陷于刑戮也

凡民之有袞惡者三讓而罰三罰而士加明刑恥諸嘉石役諸司空其有過失者三讓而罰三罰而歸于圜

土圜音

袞

衰惡即司寇之未麗于灋而害于州里者故歸于士而坐諸嘉石役諸司空過失即司寇之罷民而害人有罪者與衆人皆知所警也但衰惡害人而未麗于刑過失害人而已麗于刑故園土乃流放之刑甚于嘉石之坐施職事于園土不得出外亦甚于司空之役也然觀司寇坐嘉石者亦謂之罷民歸園土者亦以明刑恥之蓋聖人之惡惡也非有與于已故其讓其罰其役其歸園土寬柔不遽不過欲使之生其恥心以強其罷不麗于刑而已後人之惡惡也皆出于已有是惡即以是刑加之豈有冀其歸于善之意故每至于殘忍過中而何暇于再三申教之乎

凡歲時有天患民病則以節巡國中及郊野而以王命

施惠

官以救爲職不特救其過使不陷于邪惡亦以救其生使不淪于禍災故兼掌巡施惠之事

師曰天患民病謂疫癘流行民固有闔門卧病飲食醫藥不周或相枕籍而死者上之人所宜惻然動心也故每遇此司救以旌節巡問稱王命以賑貸之如王親行民得更生亦如親受王賜矣

### 調人下士二人史二人徒十人

### 媒氏下士二人史二人徒十人

媒之爲言謀也謀度二姓以成婚姻也男女之際生民之本事之至重特設官主之一則度量其才齒之宜二則治其婚姻之訟也嗚呼婚姻之禮廢而淫僻滋凡女之致于獄者十因八九媒氏得其職可以殺女亂乎

按調人和萬民之難媒氏以陰禮教親皆教化之事故茲屬於師保氏○殺去聲

調人掌司萬民之難而諧和之

難去聲。難即讐也。謂殺人之親將爲人所報。

復而在險難也。調人主諧和之。

凡殺人者若故殺謀殺在王灋所不赦固不待讐過誤殺者應和而不應讐唯夫戲殺威殺雖有殺之迹本無殺之心上刑而當以下服及老耄幼弱與夫八議者皆王灋之所赦宥而私情自不可解苟順其怨讎之情則王灋爲不行治以報復之罪則人情有不盡故爲辟讎之灋使兩全而無害所以有和難之文也。

凡過而殺傷人者以民成之鳥獸亦如之

過而殺傷人若舉刀欲斫伐以兵夫投射而誤中他人者以民成之使衆人相與和解之此所謂可和而

不應讐者鳥獸亦如之謂猛烈畜產殺傷人亦以民  
成之舊謂殺傷人之鳥獸此至微細事豈等于人而  
亦成  
之耶

凡和難父之讐辟諸海外兄弟之讐辟諸千里之外從  
父兄弟之讐不同國君之讐眡父師長之讐眡兄弟主  
友之讐眡從父兄弟弗辟則與之瑞節而以執之

辟音避

父之讐弗與共戴天辟諸海外九夷八蠻六戎五狄  
謂之四海也君之尊與父等故其讐眡父兄弟之讐  
仕不同國故云千里之外師長之讐殺于君父故眡  
兄弟然若顏淵于孔子則與君父等矣從父兄弟之  
讐主人能則執兵而陪其後此云不同國謂無主人  
者也大夫之臣與合志之友眡之已上三等皆應讐

而調人之所和也弗辟謂弗可辟蓋或王所秉用之臣不可在遠故王以和難之瑞玉及旌節與辟讐者執之所謂殺圭以和難也王命爲重雖應讐者亦不敢違王命而殺之苟讐之則爲犯王命而服死荆庶幾兩相安而可以弗辟矣

# 凡殺人有反殺者使邦國交讐之

此以報復相殺傷言謂若甲殺乙之人乙亦殺甲之人故云反殺也交讐者謂其子孫皆以爲讐也夫彼此相殺若足以相當矣然甲爲首惡而無恙終不足以快乙之忿而乙所反殺之子孫又必欲甘心于乙苟正甲于瀆則已被乙之反殺正乙于瀆則聞其報復之心且上有王虐而下擅相殺不可爲訓誅之則傷情不誅則失刑故使交讐之皆服流放之刑也舊以反殺謂殺其人又殺其子孫以除害弱敵此不待



教而誅者  
又何讐焉

凡殺人而義者不同國令勿讐讐之則死

不同國三字  
衍文蓋既云

令勿讐矣此焉得復辟之  
由上文兄弟之讐而誤

殺人而義者被殺者不義也若爲奸盜而被殺之類  
被殺者子孫不爲讐讐之則服死刑罪其黨惡不服  
義也

凡有鬪怒者成之不可成者則書之先動者誅之

鬪怒乃讐殺之漸亦和而平之平之不服則書其應  
和之端于史首發難者即爲不直而誅之則莫敢先  
動矣

媒氏掌萬民之判

判半也獨陽不生獨陰不成合男女之半所以成室家也

凡男女自成名以上皆書年月日名焉令男三十而娶

女二十而嫁凡娶判妻入子者皆書之

內則子生三月父名之男女自成名以上皆書其所生之年月日與其名爲異日合婚之本男子二十而冠有爲人父之端至三十壯而有室女子十有五并而笄有適人之道至二十嫁而有室蓋量度其才器之賢愚知識之早暮氣體之強弱則男自二十至三十皆可以娶女自十有五至二十皆可以嫁聖人斷爲中制惟未成人者則不可以娶過期則不可以怨曠耳妻云判以合體而成也妾媵不聘故曰入子書之別未成婚者且以息爭端也

中春之月令會男女於是時也奔者不禁若無故而不

用令者罰之

仲中音

仲春天地交泰大合昏禮所以順天時也媒氏出令于鄉遂使以類作合非一一爲之判合也奔者不禁謂民間以春時男女自相匹偶淫奔家長縱容不能禁止之如三國薛綜稱珠崖之俗人民會集之時男女自相可適乃爲夫妻父母不能止者也無故而不用令謂男女及時非有三年之器大則背約小則論財而不從仲春會男女之令二者皆有罰也若者及事之詞文雖殊而會上意今律文亦有此字非發語詞舊註于不禁處意斷解爲媒氏不禁奔者則誤矣或曰奔乃奔則爲妾之奔非淫奔也民間或荒札或長少不敵倉卒成婚猶野合之云也媒氏不必拘以六禮而禁之

司男女之無夫家者而會之

婚姻之道以遠恥無夫家不可以自相嫁娶媒氏司

而會之爲之主昏也鄭氏曰無夫家謂男女之鰥寡者

按程子云取失節者以配身是已失節也此云司無夫家而會之非歟夫天下之人上智寡而中才衆一與之齊終身不改固女子天然之節苟盡責以此事則失所者必多且非貞節之人徒使之不嫁以避失節之名則其陰至于敗俗必有甚者故聖人于牧民之政而開爲此法凡鰥寡而欲嫁娶者于此大會婚禮之時亦量其才齒而會合之所以待中人其娶之者即孟子所謂娶妻非爲養而有時乎爲養者至于婚禮用雁從一而終實萬世綱常爰及鰥寡旌表貞婦常以爲世勸實並行而不悖也

凡嫁子娶妻入幣純帛無過五兩

兩去聲○純絲名雜記曰納幣一束束五

兩兩五尋八尺曰尋五尋即四丈也凡布帛四丈爲匹一匹兩端故又謂之兩然則每端二丈每兩四丈十端

五兩爲一束共二十丈也

按儀禮士昏禮有玄纁儷皮此云純帛無過五兩古者納幣不過于此故男女不至于此失時也後世昏娶論財男家以此責其婦女氏以此驕其夫南方遂以溺女成風禮之失也久矣反之其在士君子歟

### 禁遷葬者與嫁殤者

殤音傷

骨肉歸于土以掩藏爲善故附之離合聖人所不拘而死則同穴特匹夫匹婦之私情耳民有遷徙而屑屑于遷其舊葬以附其夫或婦者既使死者體衆不安亦使生者不盡人道而醜溺鬼神禁之者裁民以義也此遷葬事由于夫婦之合故附載于此凡童子之稱七年曰悼言其血氣俯弱貴于懷撫而致夫悼

恤之意也八歲至十一爲下殤十二至十五爲中殤十六至十九爲長殤醫書言凡人精氣未通之時苟有情慾之事則其骨肉必有不滿之處後必生無名之病當極其保愛而致夫傷憐之意也故未成人而嫁娶者謂之殤未成人而死者亦謂之殤此則言女子未笄而嫁之及嫁于男子之未成人者皆禁絕之所以救民之殃札也○倭音撰

凡男女之陰訟聽之于勝國之社其附于刑者歸之于士

陰訟以姪僻而致訟中冓之事故曰陰勝國之社亡國舊社覆以屋而行刑辟者聽之必于此者以其事醜故于屋中不欲宣布于衆且自古犯姪亂者無有不至于敗亡故于亡國之社以示戒

司市下大夫二人上士四人中士八人下士十有六人

府四人史八人胥十有二人徒百有二十人

市官之長

質人中士二人下士四人府二人史四人胥二人徒二十人

廛人中士二人下士四人府二人史四人胥二人徒二

十人

廛者民居區域之稱官曰廛人者以征廛得名也

胥師二十肆則一人皆二史賈師二十肆則一人皆二

史

司隄十肆則一人司稽五肆則一人胥二肆則一人肆

長每肆則一人

胥師而下凡六屬有職而非命官蓋皆庶人在官者故無胥徒之屬胥師即胥

徒之胥師其長故賈師而下皆胥師之屬也

泉府上士四人中士八人下士十有六人府四人史八人賈八人徒八十人

司市掌市之治教政刑量度禁令

市官之長市之大綱小紀靡所不統治聽

其治訟教示之禮義政征其財賦刑絕其有舉量度以同其不一禁戒其不灋令率之趨事以下九者是也

次敘分地而經市

經畫市地司市之次居中每二十肆則爲胥師之次所謂設其次也其餘



邸肆各有行列所謂各于其地之敘也次敘既定然後市中之事如布帛之經有統緒而不亂矣以陳

肆辨物而平市

肆長之事美惡不混而價自平也

以政令禁物靡而均

市

胥師之察其詐偽飾行價惡善良不傷則市自均也

以商賈阜貨而行布

賈音古

物之利者非商賈不阜凶荒作布非商賈不行市中必藉此不可重困之也

以量度成賈而

徵賈

賈音稼賈音育賣也。同量度則物有定價徵猶名也謂市價公平則賣者願至而物聚也

以

質劑結信而止訟

質人所掌物之中平証信市中有此則人心信服而訟自寡也

民禁偽而除詐

賈音古。老賈知物價使之展成奠價則詐偽除也

以荆罰禁

而去盜

誡音暴。司誡禁誡亂司稽執盜賊加以憲徇朴之刑或以金贖畢也

以泉府同

貨而斂賒

賒聖蛇反。泉府以市之征布或斂貨之不售或賒民之極貧者官府相通故曰同貨也

○其詳然見下文諸職

司市次敘陳肆圖

大市日昃而市百族爲主朝市朝時而市商賈爲主夕

市夕時而市販夫販婦爲主

昃音通販音泛

日昃日過中而昃之時也百族者王國之中天下之百姓皆在焉故以此爲期商賈夙興在市故以朝時爲期販夫販婦朝營夕賣故以夕時爲期各從其便也必爲此期者蓋人皆作市則市道壅塞而不可行矣此胥所以掌其坐作出入之禁也大市物多貴重夕市物多輕微朝市其兼輕重者歟

凡市入則胥執鞭度守門

凡應三期而入市則胥執鞭度守門以防姦細鞭度者刻

度于父而未繫以鞭用以量度行刑一物二用執之以肅衆也

市之羣吏平肆展成奠

賈

自胥師以至于肆長爲之辨其物而均平其肆省視其物色使有定價

上旌于思次以

令市師涖焉而聽大治大訟

必俟司市上所當市之旌然後得以爲市思次

者市之候樓即天文市樓以思爲名者取見利思義也市師即司市也統治一市故治訟止聽其大者

胥

師賈師涖于介次而聽小治小訟

介次者二十肆所設之亭以介爲名者取

見利不苟也胥師賈師所掌止

二十肆故治訟小者皆聽也

凡萬民之期于市者

同侶之人相期約也

辟布者

辟音壁。辟灋也謂市灋所當

輸之布也

量度者

斗斛丈尺不信而欲較勘也

刑戮者

犯畢而加市刑者

各于其

地之敘凡得貨賄六畜者亦如之三日而舉之

市中萬衆所聚苟擁于一處而無分數則百事紛糾  
亭閣上之人日亦不足矣故使之每事各至其應轄  
肆中之敘則自然有條而不紊不虛費時日而事治  
與夫有畢者在其地爲非即號令其地庶使爲惡者  
知懼也得物者亦使置其地則失主求之易三日舉  
之失主既棄之不可無所歸猶秋官朝士云大者公  
之小者庶民私之也

凡治市之貨賄六畜珍異亡者使有利者使阜害者使

亡靡者使微

亡無通

凡通貨賄以璽節出入之

有利于百姓者常當使之阜蕃有害于百姓者絕之不可使有物之不可無者而市中適缺則當使之有物之不可多者而市中適繁則當使之少蓋或增其價以來之或抑其價以折之或以璽節出入而通之或不爲之璽節而過之及有無其征屢則有無微阜之權皆在上小民不得而任情好惡矣璽節出入者王國之貨投之璽節而後得出侯國之貨投之璽節而後得入此正所以操商賈之柄也

### 國凶荒札罽則市無征而作布

此無征者正與大司徒荒政之薄征去幾一義蓋大爲寬恤必有受其惠也市既無征則泉府之國用將何取具哉於是採金鑄錢以續之商賈貨物以布易之稍高其直則來者自衆民之貧者以布貸之市之不售者以布買之民又得以布而易其所欲需則其困自蘇蓋普天之下無皆凶荒之理商賈得布可操

之四方以易此所無之物故曰商賈阜貨而行布也  
必無征乃作布者金乃天地之精不可以洩其藏且  
錢多則  
貨貴也

凡市偽飾之禁在民者十有二

若以水和米或他物以麻代絲及布帛外精內

麤

在商者十有二

若以冀州產爲揚州產以石爲玉樟腦爲龍腦

在賈者十有

二

若以今而飾爲古以陳而飾爲新

在工者十有二

若輕重其權衡大小其斗斛陶之中

竄銅而和錫其數各皆十二今不可攷矣或曰十二者謂九穀果實鳥獸魚鼈布帛材木貨寶米色疏材用器兵器舟車此十二物之偽飾者農工商賈皆不得

粥故皆言十二也禁之者輕則征之重則舉之也

凡物之美惡易見而偽飾者難知謂以假物而飾之如真或以美物而和假于其內也王制所禁皆指不

中于王瀆之事此則  
有害于民故特禁之

# 市刑小刑憲罰中刑徇罰大刑扑罰其附于刑者歸于

市中之梟不越于犯禁故三等之刑不過于憲徇扑  
而已憲謂懸其梟以示衆也徇執其人以號于衆也  
朴撻而痛之也皆主于戮辱之以發其恥心使無再犯  
且以警衆而已然言罰者聽其以金贖梟也其有累犯  
不悛或劫奪讐殺及于犯倫理麗于五刑者則定其  
梟歸于士師蓋刑掌于司寇也○梟古罪字悛音銓  
按市易一事于國家大政雖若甚緩而于萬民之食  
力而欲通功易事者則甚急而要故見于天文則  
有天子垣建國則必立市內宰佐后立市以財利飲  
食衣服皆婦人所掌也司市之官秩爲下大夫以小  
民之命所縣也故必公清慈惠有心計知物情者而  
後可司市之職舉則儆弱朴野之民不至見陵而孤

寡無告者可無失  
所矣。係音撰

國君過市則刑人赦夫人過市罰一幕世子過市罰一  
帝命夫過市罰一蓋命婦過市罰一帷

師曰市者繁華之地君子遠之無故遊觀國君則刑  
人赦若曰國君好利市人何誅焉夫人世子命夫命  
婦罰幕帝蓋帷若曰無以自蔽也尊貴非刑濫所加  
以禮示罰使知自愧是故畏義甚于畏刑不言王者  
至尊不敢指斥  
故舉國君爲先

凡會同師役市司帥賈師而從治其市政掌其賣債之

事

賣當  
作買



大衆所聚不能無所需商賈亦利于以物粥之亦有  
師衆各持其方物欲以相易者故天文參宿之下有  
軍市軍市中野雞精即此賈師也取名于雞者以其  
能逐時趨利不失時如雞之知時故工商以雞爲贄  
者以此市司帥賈師而從治其市政一如國中故古  
稱軍有紀律曰市不易肆也蓋大則司市親往小則  
使其屬往故不曰  
司市而曰市司

質人掌成市之貨賄人民牛馬兵器珍異凡賣債者質

劑焉大市以質小市以劑

債賣也故賣債當作買債猶云買賣也賈師同○質之爲

義爲平成爲信正官以質名言物之所取平也取成也人之所取信也取正也成者和合成交之意天生寶玉曰貨人爲布帛曰賄人民舊說以爲奴婢古無市奴婢者記有買賣妾亦人民之謂猶內宰以女宮爲人民也珍

異若飲食藥材自遠方而至可以扶病養老者物之多而貴重者平成之若中人然以爲証佐故曰質少而輕賤者但刻于版以爲識而已故曰劑質人皆存之以聽其治也○掌稽市之書契

民之賒者

貸者始則取之于官終則官取之于民取予則有書契或刻于木而中分之或書于竹帛若今之上下券彼此各藏其一以爲信稽之者○同其度量一其淳制巡而

考之犯禁者舉而罰之

度丈尺量斗斛受灋于黃鍾同之

制匹之長一之不使不中度周視而稽考其度量不中灋淳制不中度者舉其貨而罰其人

○凡治

質劑者國中一旬郊二旬野三旬都三月邦國暮期內

聽期外不聽

既質劑焉而復有所謂治者蓋人之姦偽無窮物之外飾不測有用後而得其情者

亦有貨物多不及詳檢者國中十日郊二十日甸稍一月都鄙三月邦國蕃因地之近遠爲此期限期內來者治過期則不治欲民及時正明其交易不使訟無已時官民俱勞也

屨人掌斂市紵布總布質布罰布屨布而入于泉府  
音 紵 次

紵布者胥師賈師沚于介次所罰詐僞飾行債慝之布總布肆長所斂之布質布質人舉犯禁之布罰布司市沚于思次所罰犯市令之布屨布收其市地之布五等之布屨人主斂之復入于泉府用以斂市中不售之貨蓋此官與泉府二職相聯一散一斂以權百貨無非欲以利民而已

古今錢漙

凡屠者斂其皮角筋骨入于王府

皮角筋骨可以中器物之用者鄭氏云以

當稅非若後世盡入之也

○凡珍異之有滯者斂而入于膳府

四時珍異

之物民或無用而停滯則以征布買之或當其屢布入于膳夫之府民得價而無失官得物而有用是爲兩便也

胥師各掌其次之政令

每二十肆則立一介次胥師蒞焉所轄有司競二人司稽四人

胥十人肆長二十人政令凡買債征斂度量淳制也

而平其貨賄

使有恒價不得乘急要利憲

荆禁焉

荆謂市荆禁若質人司競司稽所掌之禁表縣之使民知避

○察其詐僞飾

行債慝者而誅罰之

凡詐僞者或飾行而以事欺人或債慝而以物欺人稽察而誅罰之

禁于未發也

聽其小治小訟而斷之

大者則歸于司市

賈師各掌其次之貨賄之治

賈師音古餘音稼○老賈知物價者所治之次與胥

師同但胥師掌其治賈師但掌其價而已

辨其物而均平之展其成而奠其

賈然後令市

凡商賈之貨賄入于市中者辨其美惡均平其等類之上中下不使有差細考其成

色定其物價然後令市蓋物入市中賣者價欲高買者價欲減爭無已時先定其價而後市有此價則取此物不費功不煩辭

○凡天患禁貴債者使有恒賈四時之

珍異亦如之

賤時豫買貴時賣之乘急病民商賈通弊天患謂天災流行若豫貯米穀以擬饑荒

豫貯棺槨以擬札罌四時珍異謂祭祀賓客所須者亦賤時豫貯以待急時賣之禁之使有恒價不得病民也

○凡國之賣債各帥其屬而嗣掌其月

賣債當作買債  
○國之買債者

若珍異之物適空乏而欲買于民或有所貯蓄當斥  
賣與民也各次賈師更代直月而掌之使勞逸相均凡

師役會同亦如之

師役會同則有軍市  
賈師亦嗣掌其月也

司競掌憲市之禁令

十肆一人主表  
縣市之禁令

禁其鬪詬者

詬音  
梟

與其競亂者出入相陵犯者以屬遊飲食于市者若不

可禁則搏而戮之

搏音博  
下同

鬪詬兩下不相平而鬪爭喧嘩也競亂強暴不順理  
而欺陵寡弱也陵犯若舟車爭道阻塞往來少陵長  
男犯女之類屬遊飲食比周爲遊俠無故羣飲也已  
上四者皆市中常事司競專主禁之違禁有犯者執

而戮辱之

司稽掌巡市而察其犯禁者與其不物者而搏之掌執

市之盜賊以徇且荆之

稽察也五肆一人犯禁若司市偽飾之禁質人度量淳制之禁

也不物衣服視瞻不與衆同及所操持不如品式也市之盜賊猶今之掏摸偷兒也司稽專主巡察于市犯禁不物者搏之歸于胥師也盜賊情真則直徇且荆之

胥各掌其所治之政

二肆一胥所以部叙肆長者也執鞭度而巡其前

肆中買償征斂度量淳制胥皆掌之執鞭度以巡于肆之前使無不正也掌其坐作出入之

禁令襲其不正者

坐作出入謂大市朝市夕市各有作止之期與出市入市之候無得爭先

後期以亂市濫掩捕其不正者使無不齊也

○凡有臯者撻戮而罰之

司市胥師

賈師定其臯此胥掌其撻戮與罰布之事

肆長各掌其肆之政令

每肆一人凡司市所施之政令戒禁皆掌之

陳其貨賄名相近者相遠也實相近者相爾也而平正之

凡貨賄之等萬有不齊有外觀相似而其中則大異有外觀不同而其中實相近必慣于其事者乃知之乍至市中未易卒辨故肆長之職專主于辨其貨賄而陳之名相近者別居其所毋使之眩其實實相近者聚于一處使同其價平者貴賤各稱其情之謂苟美惡同價則不平矣正者美惡各居其所之謂苟真



偽雜處則不正矣肆長陳而平正之即司市所謂陳肆辨物而平市也賈師辨其物而均平之者蓋不外是胥師所謂平其貨賄者又因而攷之也

庶野民之適市者無眩惑而受欺者矣

斂其總布

總布未詳孟子曰古之市者以其所有易其所無有司者治之耳有賤丈夫焉必求壟斷

而登之以左右望而罔市利人皆以爲賤故從而征之豈征此賤丈夫以其總市中之利而得名歟 ○掌

其戒禁

泉府掌以市之征布斂市之不售貨之滯于民用者以其賈買之物揭而書之以待不時而買者買者各從其抵都鄙從其主國人郊人從其有司然後予之

售音綬  
抵等禮

反

市之征布即屋人所斂而入于泉府者也貨有賣于市而無所售留滯于民間而不切于用者則從其原價以此征布買之即揭示原價于其物俟缺乏而有買者仍以原價賣與之賈人居積計歲月以起息此則但爲民收貯而無所利之所以爲公天下之心也主謂都鄙大夫有司謂鄉遂之吏有此符信然後與之恐姦民乘急販賣官爲所欺而民不沾實惠也

按泉府所掌主市之征布漢書布泉廣二尺二寸爲幅長四丈爲匹蓋錢謂之泉布亦借名曰泉取其流行無滯也又司市國凶荒札罋則市無征而作布採金所鑄內方外圓而有周郭者故布緯曰布錢亦借名曰布取其流傳廣布也是泉府雖以布爲主而錢亦在其中矣

凡賒者祭祀無過旬日器紀無過三月

賒償價而稍遲也民有器祭大事或錢布或器物適空乏而不能卒辦從官賒用事過即還故有期以償祀事一二日而畢故祭祀之賒無過旬日庶人踰月而葬故器紀之賒無過三月

凡民之貸者與其有司辨而授之以國服爲之息

泰貸音

凡借財物者還本物曰稱取相稱之義責其必償故曰稱責也以他物代還曰貸故字從代會意不必其原物也國服謂服役于公也民有貧甚缺用而無措者從官假物則貸而與之然不可爲繼故計其物之貴賤使之爲國服役出力以償但既開此端則有詐爲貧者故又必與其有司辨其果貧而後授之庶不爲所欺也蓋力者民之所自有而無待乎外公事者上之所不能無而必欲假之于民者貸之而使服公

事上之所以與之者若假之直其所以役之者若收其物與焉而不損周焉而可久下之用物也若食其力其服役也若還其物用焉有濟于急還焉無耗于身所以生息乎貧民故曰爲之息即大司徒以保息六養萬民之息也舊說以服爲衣服猶齊三服之云息爲利息夫貧者因困乏無措而假貸乃責其償而復加之息則貧者反重困矣惡在其爲民父母乎昔周世宗有言民吾子也惡在責其必償曾謂周公而反不及耶害義傷教莫此爲甚遂使安石因創爲青苗之瀆放錢與民今出息二分春散秋斂以爲周公遺瀆用以罔利殃民卒爲宋室禍基釋經者其可苟哉

凡國事之財用取具焉

國事一作邦○財用謂關市之賦以待王之膳服及入于外府

以供百物而待邦用者

○歲終則會其出入而納其餘

入謂屨人所斂紵布

已下五者出謂共王及邦用與賒于民者歲終則會其出入以待司會攷之餘則納于職幣

按古之市者以其所有易其所無而已于後乃有商焉注有于無自物所出之處遷之于所無之地有賈焉積盈待乏自物所多之時藏之以待空竭之時故商之爲言以商計財利爲事也賈之爲言以網羅財利得名也夫以利相交人已相形不能無私已之心故一物也賣之則欲價多買之則欲價寡彼此競爲虛誑爭辨于是乎起然猶自己之物弊端未甚也若商賈則專以牟利爲事旦暮孳孳凡可以利已而生息者無所不至濫惡僞飾凡可以欺人而覓利者無所不爲至于天患民病乘急踊價衆方以爲禍災而彼獨以爲樂幸孤寡貧窮假典稱責此方以爲困苦而彼乃以爲孳息又大利所在則姦盜于是而竊窺大衆所萃則奇袤于是而聚集故可以利民者莫如市而爲民害者亦莫如市也爲民父母均吾赤子可

以無處治之濫與其轉移之方哉是故肆長陳其貨  
賄而美惡不得以混淆賈師奠其價而貴賤不得以  
任意司稽巡其犯禁胥師察其飾行債慝而詐僞不  
得以相欺有胥以掌其坐作出入則事不亂有質人  
以爲之質劑則人心信服同度量一淳制而物有所  
準司毓禁毓亂司稽執盜賊而強毓無所容凡此皆  
治于未亂之前也其有犯禁而事覺梗化而成訟者  
小則胥師賈師聽之大則市師聽之則夫民之入市  
者交易而退何有不得其所者哉至于市中之物有  
利于人而不厭其多者則使之阜爲害于人而不可  
有者則使之無又有罕用而不可無宜有而不可多  
者故無則使之有多則使之少蓋或有無其征屢或  
低昂其價直或予奪其璽節以示夫去取輕重之意  
無非欲以利吾赤子而已然此不過以民間貨物爲  
轉移之方耳猶未見夫君民一體之意也民有貨物  
不適于用市而不售者雖賤而亦樂輸也則以其價

買之事居積者不得抑其價而取焉及市中既乏而民欲買者雖貴而亦樂從也復以其價賣之擁富資者不得高其直而與焉是以市中無甚賤之物而民之有貨者不傷亦無甚貴之物而民之有需者不困也然此猶有交易之意也至于民有器祭大事適空乏而不能卒辦聽其從官賒用事過即還蓋民有急于無措官有餘而不用賒而與之有益于彼而無耗于此易所謂弗損之益也然此猶欲其還也至于民有極貧者則遂貸而與之以其不可以爲繼故以國服爲之息貸之者若賃其傭而不復有所責服公事者若還其直而即無所負與之而于上無所損還之而于下亦無所耗以是而保息乎貧民市廩之善莫有大于是也後之人心量既非古人之心量俗儒或以時政而妄釋經語纖人或屈聖經以便己私因有禁貴儉斂滯貸之云遂爲均輸之說賤則買之貴則賣之使富商大賈不得牟大利人主乃自爲商賈而

牟利焉因國服爲息之云遂有放錢收息之舉惡豪  
民之取息病民人主乃自爲豪民以病民焉世之人  
見其害不見其利遂以謂周禮果若是其病民也夫  
小人借聖言以文奸斯不足責而俗儒以小知釋經  
其罪亦安得而逃諸

王安石論

司門下大夫二人上士四人中士八人下士十有六人  
府二人史四人胥四人徒四十人每門下士二人府二  
人史二人徒四人

司關上士二人中士四人府二人史四人胥八人徒八



十人每關下士二人府一人史二人徒四人

掌節上士二人中士四人府二人史四人胥二人徒二

十人

匠人營國九里旁三門門各有監司門總監十二門則各門政令無有不齊而事權歸一也王畿千里地之竟處因山川之險道涂之便立之關焉關各有守司關總監四境之關則王都政令無有不齊而要害之處無有不得其人矣由門而出者必至關由關而入者必至門故關統于門司關秩卑而胥徒多者以關之所轄速于門也節行旅者所執之信非此則不得行行者必由于門關故節亦統于司門

司門掌授管鍵以啓閉國門幾出入不物者

鍵乾塞反管中爲閉

機之

國門啓閉每門之士掌之司門啓則授之管而閉晨則授之鑰而啓也不物異服異言視瞻動止非常或間諜覘視盜賊窺覷者門關之事莫大于此

正其貨賄凡財物犯禁者舉之以其財養死政之老與

其孤

正其貨賄辨其名實不使相混如肆長所陳犯禁謂司市僞飾之禁及王制不中于王灋者所宜深

惡痛絕故没入于官然不以自利也勞于王事而死者其父祖子孫則以其財養之遺人所謂門關之委積以養老孤也

祭祀之牛牲繫焉監門養之凡歲時之門受其餘

城隍間多隙地牛牡繫焉是牧而不費地也每門史二人徒四人以其餘力養牲是用人不費功也每歲春祭門九門礪禳與縈門祈報之祭監門受其餘是惠而不費也用其力而稍有以槁之是使人而不虛也一事微而衆善集如此

### 凡四方之賓客造焉則以告

賓客至郊王遣使郊勞至國門門者止之告于王王遣使迎之以入而授之館焉

按門關之設所以豫備不虞而無守禦之兵何也蓋城郭溝池之固有掌固道路之阻有司險封疆之守有掌疆皆夏官之事若地官則主守土凡王畿吏民皆其所統而特掌門關之管鍵則雖大司馬之屬有所出入苟無司門之節門關之吏亦得而問之矣後世門關鎖鑰竝屬于大司馬豈知周公之意哉

司關掌國貨之節以聯門市○司貨賄之出入者掌其  
治禁與其征屢凡貨不出于關者舉其貨罰其人○凡  
所達貨賄者則以節傳出之

傳慈眩反○以節傳出之  
出字下脫入字司市以璽

節出入  
之可見

司市掌國貨之璽節司關亦掌之者自外入者司關  
以節通之門門通之市自內出者司市以節通之門  
門通之關門獨不言節者舉兩端而中可知也○百  
貨交割之地多有市故司關掌其市治及幾其犯禁  
者與其市之征屢貨不出于關者挾違禁之物不敢  
由于關故從問道出入則不特舉其貨加以罰其人  
所以重關守也征屢以供王之膳服舉貨以養老孤  
○所應達之貨賄則授之以璽節附之以傳辭而出

之入

國凶札則無關門之征猶幾

無征屢以寬民幾其不物守關之急  
務蓋薄征除盜賊並行而不悖也

凡四方之賓客敬關則爲之告

敬古叩字

賓客至關關尹以告王王  
遣小行人以節迎勞之

有外內之送令則以節傳出內之

出內字入聲

自諸侯以事至王國者則以節傳內之通于門畿內  
以事至畿外者則以節傳出之達于侯國之境也  
門關之事大畧相符幾察非常一也正其貨賄二也  
賓客告至三也出內使人四也牛牲繫焉特所兼小

事耳

掌節掌守邦節而辨其用以輔王命

王臣出使將王之命令行于普天之下

下何以爲信乎節之爲言所以節制其下唯持節而後可以爲信命有大小不同故曰辨其用以輔王命也

守邦國者用玉節守都鄙者用角節凡邦國之使節山

國用虎節土國用人節澤國用龍節皆金也以英蕩輔

之

蕩天浪反大竹也字當從竹原本從艹非

守邦國者監于方伯之國及名山大川不以封者事至重故以玉守都鄙者畿內諸侯不世故亦曰守近至尊而屈故以犀角邦國使節天子遣使于諸侯者山多虎土多人澤多龍各鑄金而象其形英玉也詩

云尚之以瓊英蕩大竹也見禹貢以英蕩輔之謂飾以玉與竹也易稱玉爲剛柔節金有中德犀角有文理竹約爲節皆物之有節者故以爲用云五者必以王命然後掌節與之也

### 門關用符節貨賄用璽節道路用旌節

符刻文于竹漢制竹使符以竹箭五枚長五寸鐫刻篆書第一至第五是也外內送令出入于門關者司門司關以符節與之璽印章貨賄事煩用印文而已司市與之旌節人所持所謂路節也凡有所徵令及移徙鄉遂之吏與之三者皆官府得自與之也○已上皆王國之使節若諸侯之使節則各國自爲之詳見小行人

### 八節圖

皆<sub>二</sub>有期以反節

凡節皆篆刻文字而中分之有故則相合反亦合之反節有期日久則防其假

之以他圖故不得過期

凡通達于天下者必有節以傳輔之無節者有幾則不

達

傳哲眩反○通達于天下若布憲行夫虎士訓方氏土方氏等職必有節復輔之以傳言其所齋操及所

適所圖爲也無節者納之圖土不得妄行

遂人中大夫二人遂師下大夫四人上士八人中士十  
有六人旅下士三十有二人府四人史十有二人胥十  
有二人徒百有二十人



王國之外爲六鄉大約去國五十里之內司徒自治之鄉之外爲六遂大約去國百里之內司徒不能盡治之也特設遂人一職以領之位與小司徒相等遂師者六遂之師亦猶六鄉之有鄉師也故位亦相等

遂大夫每遂中大夫一人縣正每縣下大夫一人

每遂五縣

六遂縣正下大夫三十人

鄙師每鄙上士一人

每遂二十五鄙六遂鄙師凡上士一百五

十人鄼長每鄼中士一人

每遂一百二十五鄼六遂鄼長凡中士七百五十人

里宰

每里下士一人

每遂五百里六遂里宰凡下士三千人

鄰長五家則一人

每遂二千五百鄰六遂鄰長凡一萬五千人

遂大夫亦以王朝之官兼之卿不自兼者勢有所不逮而以尊卑爲近遠故秩每下一等至鄰長而無秩

旅師

稍人

委人

土均

已上四職與閭師縣師遺人均人義同並解見前鄉大夫

草人下士四人史二人徒十有二人

教民治田之官

稻人上士二人中士四人下士八人府二人史四人胥

十人徒百人

教民種水田之官

遂人掌邦之野

凡邦國都鄙遠于城郭之民通謂之野

以土地之圖經田

野造縣鄙形體之灋五家爲鄰五鄰爲里四里爲鄣

音鄣

贊

五鄣爲鄙

古文鄙字作畝

五鄙爲縣五縣爲遂皆有地域溝

樹之使各掌其政令荆禁以歲時稽其人民而授之田

野簡其兵器教之稼穡

大司徒主土地之圖遂人以之而經畫六遂與凡邦野其鄰里鄙鄙縣遂大約與六鄉相似地之分界秩然有支幹脈絡故曰形體之灋鄰者以其如魚鱗相次爲名即五家之比使之相保者也里者民居相近不出一里之中即二十五家之閭使之相受者也鄣者死罌相贊助即百家之族使之相葬者也鄙者以同井田爲名即五百家之黨使之相救者也縣者即二千五百家之州縣者言民命之所縣也遂者即萬

二千五百家之鄉遂者言教化由內而外賦貢由外而內通達而無礙也小而鄰里大而縣遂皆有地域所至溝涂以爲界樹植以爲固使各掌其政令刑禁親民之官皆得自專其治夫定其地以經之分其人民以居之立之長以治之由是每歲各以其時稽其人民以定戶籍授之田野以制民產簡其兵器以寓軍灋教之稼穡以勸農事此遂人所以治野之大畧也

凡治野以下劑致

通

田里安以樂昏擾以

土宜教畎稼穡以興勑利以時器勸以疆予任

疆乾  
陽反

爲國之道必以地闢民聚爲主苟野荒民散雖有政教將安施乎國鄉之外縣都已內土曠人稀而

有以經理之則并良田而汙萊矣致阡已下七者所以教民墾田之灋治野之先務也田雖有上中下而征役一以下地一家二人爲率所以致民歸附阡即孟子所謂願受一廛而爲氓山野之民也不曰氓而曰阡者阡字从田謂死阡所存田因而佃之之稱也民無恒產則易于動搖授以百畝之田五畝之宅使有恒產則自安其居民無室家則有曠怨之思媒氏會男女昏姻匹偶各得其願則自然馴擾而離散凡植物失其地之所宜則不蕃滋以十有二壤之物知其種以教稼穡樹藝則所收自倍民無倡率則易怠弛田畯率民通力合作則功易起而種植齊致力雖同而利自博民無田器則耕耨失時鑄作耒耜錢鏹之屬官予以便之則自相勸而開墾以至小民多禽犢之愛不知教其子以力耕餘夫疆壯若國中七尺野六尺可以征役者各予以田任之使不遊惰則所得自多夫如是而民有不聚田有不闢上

下有不富足者哉○耨  
鋤同錢音剪鑄音博

以土均平政辨其野之土上地中地地下地以頒田里

均土

掌平土地之政故云以土均平政辨其土之上中下而益以菜之多寡則地無不均矣

上地夫一

廛田百畝菜五十畝餘夫亦如之中地夫一廛田百畝  
菜百畝餘夫亦如之下地夫一廛田百畝菜二百畝餘  
夫亦如之

凡有室者爲夫對婦言也弟有室爲餘夫對正夫言  
也餘夫有子孫而成家則二十五畝不足以供之乃  
別授以廛田菜上地必及七人者得受中地必及六  
人者得受下地必及五人者得受皆如正夫故曰亦

如之詳見  
受田圖說

# 餘夫疆與受田圖說

凡治野夫間有遂遂上有徑十夫有溝溝上有畛百夫有洫洫上有涂千夫有澮澮上有道萬夫有川川上有

路以達于畿

畛音軫洫興域反涂塗通澮音怪

此治水通道之灋自關水亦以泄水防以止水亦以關

于天下者也關以關

關則十夫中間有直遂也關匠人所謂田首倍之關

也遂之上首

有徑高廣如遂可以通人行十夫關井田關夫之遂共入一橫溝匠人所謂關

謂凡牧田廣深四

尺謂之溝者也。溝之上有畛，高廣如溝，可以容牛馬。夫牧之，夫數十井則八家而通，謂之十夫者，餘夫及士工賈之受田皆不過二十餘畝，其實每井必有十餘夫。故以十百千萬紀數也。○百夫有洫者，十溝共入一直，洫則爲十井而百夫矣。匠人成間，廣八尺，深八尺，謂之洫。言旱則注之，潦則瀉之，如血脈之流通也。洫之上有涂，高廣如洫，可以容乘車一軌。盡處則有輿梁，司馬灋井十爲通，言百夫通力而治一洫，且以合作也。○千夫有澮者，十洫共入一橫，澮則爲百井而千夫矣。匠人廣二尋，深二仞，謂之澮。言水之所會也。澮之上有道，高廣如澮，可以容乘車一軌。司馬灋通十爲成，言兵賦之灋于是成也。○萬夫有川者，十澮共入一川，則爲千井而萬夫矣。司馬灋成十爲終，終十爲同，同間廣四尋，深四仞，爲川。終之云者，水歸于川，因山川之勢而修之水于是而有所終也。同之云者，爲萬井十萬夫，縱橫各直二十五里，通計四



面爲方百里雷震百里其聲相同故以爲名也川上有路高廣如川可以容乘車三軌自此而至于大川以達于王畿其說詳見井田圖○水曰遂溝洫澮川自高而趨下故禹貢澮畎澮距川以達于海也行曰徑畛涂道路由小以至大故禹貢敘職貢皆達于江河以至于京師也凡疏導之灋輓漕之便皆于是在而封植以息爭端設險以限戎馬之意實寓其中矣自遂溝徑畛而下民各以其力自治之洫涂澮道心上之人創之合衆力修治若川之與路則其工力爲尤大非一方之民所能辦必損府庫之積移用其民乃可成軍禮所謂大役任衆者也凡欲積貯富厚必始于此自黃帝立灋禹卑宮室而盡力乎溝洫文王卑服即康功田功皆謂是爾

### 遂溝洫澮川圖

通成終同封畿圖

以歲時登其夫家之衆寡及其六畜車輦辨其老幼廢

疾與其施舍者

鄭註凡施字並作弛○此與小司徒之比灋同小司徒使六鄉各登其鄉之衆

寡六畜車輦此則登其六遂者凡丁力多以頒職作事

以令貢賦以令師田以起政役

頒職作事頒九職而使爲其事也政役者凡施

政教行  
徵令也

若起野役則令各帥其所治之民而至以遂之大旗致

之其不用命者誅之

凡有徵調鄉師以司徒之大旗致六鄉之民遂人別有大旗致六遂

之民詳見九旗圖說後  
至者誅治以軍灋也

凡國祭祀共野牲令野職

共野牲者入于牧人以待事也野職者委人所謂以式灋

共祭祀之薪蒸木材遂人令之而共于亨人也

凡賓客令修野道而委積

賓客之事大小司徒云令野修道委積者兼鄉遂而言也

此言令修野道則止于遂而已道路委積遺人所頒

大器帥六遂之役而致之掌其政令及葬帥而屬六綽

及窆陳役

綽音縛窆音貶。大器六遂主下棺之事綽舉棺索也屬之以舉棺陳役者以軍灋部署

諸役鄉師執斧以涖匠師而爲之者也互見大司徒鄉師冢人

凡事致野役而師田作野民帥而至掌其政治禁令凡事

謂朝覲會同軍旅之事遂人帥其民而致于司徒掌其政治禁令也

遂師

所以佐遂人也二

各掌其遂之政令戒禁

職猶鄉師

以時登其夫家之衆寡六畜車輦辨其施舍與其可任

者

施當作弛可任與弛舍不同故辨之以遂人之灋頒于六遂而使登之也

經牧其田野

經畫而井牧之

辨其可食者

上地食者三之二中地食者半下地食者

一三之周知其數而任之以徵財征作役事則聽其治訟

用以徵財征則止于當年所當耕之田用以作役事則上中下三等之地無過家一人其征役而有不平者因

而聽其  
治訟也

# 巡其稼穡而移用其民以救其時事

天時有旱乾水溢暴風淫雨非一遂之民所能救地  
之宜有早晚不同此方腴胾而不足彼則息偃而有  
餘遂師因移用其民借其數日之力以救其時事移  
之者以其有餘而不爲病用之者少借其力而功倍  
彼此交然所以  
爲大公之道也

## 凡國祭祀審其誓戒

祭祀冢宰掌百官之誓戒大司寇  
涖誓并戒于百族此則審而誓戒

## 其遂共其野牲入野職野賦于玉府

職掌與遂人同野  
職野賦者山澤之

民任野之職事入其所有以當邦賦若齒角白蜃之入  
于玉府澤虞使其地之人守其財物以時入于玉府是

也國用莫大于祭祀故此

入于王府專以共祭祀言

賓客則巡其道修庀其委積

庀當作比。修野道委積之事。遂人令之。遂師比之。

也大器使帥其屬以幄帟先道野役

大器遂人主下棺之事。故以幄帟先。

柩而行預張神座并率野

役先至墓所以待役也及窆抱磨

鄭氏曰磨者適厝執紼者名也。遂人

陳之遂師

共丘寵及蜃車之役

寵禮董反。封土爲丘。寵者承土之器。蜃車者

掌蜃所謂闔壙之蜃車乃載蜃之器也。竝遂師共之。舊

以爲器車非也。豈共器車而乃在既窆之後與丘寵同

乎事

軍旅田獵平野民掌其禁令比敘其事而賞罰

師田之起徒役

遂師平其不均者因爲禁令之比敎者  
部敎其行伍賞罰者以軍灋從事也

遂大夫各掌其遂之政令

職同鄉大夫彼言政敎禁令而此止言政令者文不備也

以歲時稽其夫家之衆寡六畜田野辨其可任者與其

可施舍者

施當作弛。稽其夫家者比民之事也。遂師先辨可弛舍者而此先辨可任者有司之常

灋也

以敎稼穡以稽功事掌其政令戒禁聽其治訟

敎稼穡即趨其

耕耨也既成曰功所理曰事掌其政令戒禁聽其治訟者此皆敎民之事也

令爲邑者歲終則會政致事正歲簡稼器修稼政

一遂中民

所聚者爲邑猶稍甸縣都謂之公邑家邑都邑也爲邑者即縣鄙之吏歲終會政致事亦猶鄉大夫也稼器稼政者月令所謂孟春修封疆審端徑術善相丘陵阪險原隰土地所宜五穀所植以教道民必躬親之也此皆率其吏之事

三歲大比則帥其吏而興眡明其有功者屬其地治者

田野之民多質少文故不曰興賢而曰興眡漢灋舉孝弟力田蓋本諸此大比之時吏治有功者舉而明揚之與賢能并薦之于朝其餘凡有地治者屬聚而攷之戒飭其不及誅其有罪亦猶鄉師之攷教察辭稽器展事以詔誅賞也

凡爲邑者以四達戒其功事而誅賞廢興之



師云四達治道通行也攷一邑之治必以旁邑相參而後賢不肖勤惰自見誅賞廢興出于大宰誅賞乃三歲大計之事廢置則每歲終一行蓋賢能卓異與夫不職之甚者何待于大比之期百官府皆然也遂大夫猶之鄉大夫歲時稽其夫家之衆寡即鄉大夫之歲登其可任者自六尺以及六十有五其舍者賢能貴賤老疾並見于彼矣三歲大比之興此即鄉大夫之賓興賢能其賓禮獻賢能之書射禮詢衆庶亦見于彼矣鄉大夫正月之吉親受教灋于司徒退頒于鄉吏教其所治之鄉又令羣吏攷灋于司徒憲于所治之國則此亦當如之遂大夫明揚吏治有功者與賢能並薦屬聚有地治者而教戒之則彼亦當如之矣唯夫大詢于衆庶則止于六鄉蓋彼乃百族所聚六遂多野民故不及之耳

# 縣正各掌其縣之政令徵比

縣正下大夫統二千五百家遂大夫掌遂之政令縣

正加以徵發校比親民以頒田里以分職事

田里職事上有成灋

之官兼理期會細事也

縣正親民爲之計畝掌其治訟趨其稼事而賞罰之

清趨

而授度丁而分也谷反○掌其治訟者聽政役以比居也趨其稼事者東作方興督促之俾無後時賞罰者秋官之野刑尚功糾也力

若將用野民師田行役移執事則帥而至治其政令既役則稽功會事而誅賞

遂師移用其民者謂稼穡有急而移之此移執事者謂師田行役之事有稼穡之急疾疫之厄因而移其執事移之灋同而所移之事異一則以農事之不可緩一則以師役之不可後也凡役事畢攷其功之成

否事之勤惰而施賞罰則有善不遺情者不得僥倖秋官之軍刑上命糾守也

縣正猶鄉之州長唯作民而師田行役掌其政令與其賞罰此一事語意皆同至于州長有正月之吉春秋社祭之讀灋攷行有春秋州序之禮射而此乃缺如則遂大夫之興阡將安所稽乎是縣正亦當有序矣至于此有頒田里分職事而州長無之者蓋近郊之民百族所聚不止田里之事故于戴師特詳焉

鄙師各掌其鄙之政令祭祀

鄙師上士統五百家所統有民人社稷祭祀者黨有

祭崇鄙亦如之也

凡作民則掌其戒令

作之以師田行役也戒其怠事而令其赴功

以時數其衆庶而察其姦惡而誅賞

數者鄙師親民故得以瑣科條嫩謂成于鄉三物者惡謂陷于鄉八刑者誅賞秋官之鄉荆尚德糾孝也歲終則會其鄙之政而致事

會計一鄙之政帥鄩長而致事于縣正上下轉相

承也

鄙師猶鄉之黨正凡作民者即作民而師田行役也以時數衆庶者即以歲時蒞校比也察其嫩惡而誅賞即書其德行道藝也然黨正于孟月吉日春秋祭崇有讀灋之禮歲終蜡祭有正齒位之飲皆于序行之然則鄙之會聚其衆豈無序乎

鄩長各掌其鄩之政令

鄩長中士統一百家

以時校登其夫家比其衆寡以治其器紀祭祀之事

器紀之器服祭祀之品齊鄭有當共者  
以時校比之使無缺廢此教民禮俗也

若作其民而用之則以旗鼓兵革帥而至

旗鼓軍之耳目兵革軍之致用作民用之則帥而至  
與族師之以鼓鐸鐃鈜帥而至同此皆寓農以兵之  
灋無事則爲民之師  
有事則爲兵之將也

若歲時簡器與有司數之

器謂兵農之器簡之者即遂  
大夫簡稼器也尊者不親細

事故鄭  
長數之

○凡歲時之戒令皆聽之

戒令出于遂人者躬  
往聽受歸而宣布于

下猶鄉大夫令羣  
吏攷灋于司徒也

○趨其耕耨稽其女工

趨音促○耕  
織生民之本

鄭長彌親民督耕夫并課織  
婦使無惰其業富足之資也

鄼長猶鄉之族師校登其夫家比其衆寡即校登其族之夫家衆寡則所謂辨其貴賤老幼廢疾可任及其六畜車輦在其中矣作民而用之即作民而師田行役則所謂比伍之聯合其卒伍在其中矣族師有讀灋書行學士之教以德行為本此則治其器紀祭祀之事趨其耕耨稽其女工民可使由之不可使知之也

里宰掌比其邑之衆寡與其六畜兵器治其政令

里宰下士

統二十五家戶口登耗六畜多寡兵器備乏無事比之有事可按籍而得遂大夫曰稽縣正曰徵其大凡也鄼長曰校登里宰曰比其細數也

以歲時合耦于耜以治稼穡

月令季冬命農師計耦耕事修耒耜具田器匠人耜

廣五寸二  
耜爲耦

趨其耕耨行其秩敘

趨音促。秩，祿廩之常。敘，遷進之次。鄉師作其

即秩敘此

人之力有不同，差一則可以勉而企，及差二則雖勉強不可以企而及。甚至有相十百者，苟主其強則弱者敝，主其弱則強者惰。既不均平而亦不能率作先王于此有道焉。于畎畝之中，配合其相等者，使之並耕以相佐助，平居用之于耕耨，則有強弱遲速，有事用之于師田，則因而部分之而食之多寡，位之高下皆于此行焉。異等之士不至于藏沒而相去不遠者，知所勸勉矣。

以待有司之政令而徵斂其財賦

徵斂財賦里宰之責，然必聽命于上而不敢專。先王所以嚴聚斂之防也。

里宰猶鄉之閭胥比其邑之衆寡即數其閭之衆寡也待有司之政令而徵斂財賦即掌其閭之徵令也里宰于農中寓教故行其秩斂閭胥于教中寓農故書敬敏任恤此其文之異耳

鄰長掌相糾相受

鄰長五家之長無秩

○凡邑中之政相贊

祭祀卷紀

贊其財師田行役贊其力一里之中如一家然所以爲仁里也

○徙于他邑則從而授

之他邑在一遂之內也

鄰比之職其要在乎居則相受出鄉則從而授之比長云五家相受相和親有罪奇袤相及此云相糾者不得爲奇袤也相受者共保受皆良民也文稍異而意同比長云徙于他則爲之旌節而行之無授無節納之閭土鄰長亦當如是矣至于比長掌其比之治鄰長邑中之事相贊此則彼此互見



按鄰里鄣鄙縣遂其職分見雜出然不過教民稼穡禮義徵其賦役及比其民與其吏而已詳見鄉大夫末

草人掌土化之灋

化義有二一爲生化地利有宜有不

其宜猶諺云道地也一爲變化地有美惡能有以變之則惡者可與美等即下文之糞種皆所謂土化之灋也

以物地相其宜而爲之種

物地者占其形色知其性之宜因而爲之種即司稼辨種稂之種周知其名與其所宜也所謂化生之義此如

凡糞種駢剛用牛赤緹用羊墳壤用麋渴澤用鹿鹹瀉

用狽勃壤用狐埴壚用豕疆藥用蕒輕輿用犬

驂古文作驂緹

音體渴坤割反又音竭渴音昔狽歡萱二音勃音淳埴音直壚音蘆藥興覽反輿音標○糞種者舊穀乾燥漬

以灰汁使易生

天下之土有赤而剛疆者有赤而繇緹者有舊爲澤而今則乾渴者有生漚鹵而味鹹者壤土之粘膩者墳壤謂土性墳起勃壤謂土性粉解埴壚土之黏而黑者有堅疆而不和柔者有輕脆而不厚重者九者之土化之之灋用牛羊麋鹿狽狐豕犬之骨焚爲灰以漬其種蕒則以麻子擣之以漬種也所用之汁不同因以助其種之生氣以變易地氣則薄可使厚過可使和而稼之所穫必倍常詩云誕后稷之穡有相之道是也所謂變化之義如此但用牛用蕒今江南猶有是灋而其餘則謾失其傳有志農事者必歷試

乃可得也  
繚清緣反

稻人掌稼下地以瀦畜水

瀦音朱

以防止水以溝蕩水以

遂均水以列舍水以澮寫水

此教民種水田之灋也中原地高水深土厚宜于黍稷菽麥唯近水下地乃可以教民種稻以其不服習故特設官掌之瀦陂池也主貯畜其水使不漏泄以備旱防堤堰也主遏止其水使不橫行以備潦溝者田首受水大溝引瀦水以播于遂遂者井田中受水小溝均平溝水以滿于列列者即匠人所謂廣尺深尺之灋主居水以養苗澮者會通諸溝之水以泄于川瀦雖足以畜水苟無灋以引之則苗亦無以爲利溝遂列三者皆取水之利以爲事也防雖足以止水苟不有以寫之則水終必爲害澮專主除水之害以

爲事也○  
畎同音犬

以涉揚其芟作田凡稼澤夏以水殄草而芟夷之澤草

所生種之芒種

芟音杉

此葑田之灋也凡稼澤者謂將以澤地爲稼也必先于長夏大雨時行水熱如湯芟夷其草掩覆土中以水浸之可以殄滅其類于是以錢鏹之屬兼以人足發揚其所芟之草則其土必葑茲興發舊日澤生草之處皆變爲良田而可樹以芒刺之稻矣殺草之灋詳見秋官薙氏彼主刑以除不善之類故兼城郭田野而治之此專主芟夷下地之草以茂嘉穀也○錢鏹音剪博

早暵共其雩斂○器紀共其葦事

葦事謂椅廬葦席藉棺萑席器車萑蔽

大雩所需祭物此專共之者以稻尤不利于旱暵也葦事亦此共之者以下地所出也

土訓中士二人下士四人史二人徒八人

鄭氏曰以土地所生告道

也王

誦訓中士二人下士四人史二人徒八人

鄭氏曰能訓說四方所誦

習及人所作為久時事者

土訓掌道地圖以詔地事○道地慝以辨地物而原其

生以詔地求○王巡守則夾王車

慝天得反

誦訓掌道方志以詔觀事○掌道方慝以詔辟忌以知

地俗○王巡守則夾王車

辟古避通

師曰古者左圖右書土訓圖學也地圖載九州山川形勢及立國封疆詔王以地事者廣谷大川異制民生其間亦各異俗修其教不易其俗齊其政不易其宜也地氣有偏不能無愆天常生物解之西北多風防風獨活之屬足理風東南多痺魚鼈螺蜺之屬足治痺江湖多氣橘柚之屬足破氣嶺海多瘴瘵檳榔之屬足去瘴是矣王所至恐不習水土豫求物以防患匪若後世圖經夸土產專爲口腹玩好以啓暴君汚吏無厭之求也誦訓書學也四方各有載記古蹟猶存告王覽觀知前代廢興方愚若天阱天陷之不可行瘴癘之鄉薄惡之俗不可入者告王知所避忌而風俗之盛衰政教之得失皆可攷見矣夫天子適諸侯曰巡守巡所守也土訓誦訓夾侍王車備王顧問王中心無爲而左右各以其職獻納以廣王耳目開

拓萬古心胸四海如指  
諸掌千載如在目前也

山虞每大山中士四人下士八人府二人史四人胥八  
人徒八十人中山下士六人史二人胥六人徒六十人  
小山下士二人史一人徒二十人

林衡每大林麓下士十有二人史四人胥十有二人徒  
百有二十人中林麓如中山之虞小林麓如小山之虞

麓音  
鹿

川衡每大川下士十有二人史四人胥十有二人徒百

有二十人中川下士六人史二人胥六人徒六十人小川下士二人史一人徒二十人

澤虞每大澤大藪中士四人下士八人府二人史四人胥八人徒八十人中澤中藪如中川之衡小澤小藪如小川之衡

土之融結而突起者爲山山之足曰麓木叢生曰林皆山之類也土之缺陷水所鍾曰澤澤無水而生草木曰藪其流者曰川皆澤之類也山與澤藪之官曰虞虞之爲言度也以其能度知山澤之深廣與夫財物之所出也川與林麓之官曰衡衡之爲言平也川之勢長川衡主平川之守林麓之勢夷林衡主平林



麓之守也澤之利博川之利微故設官澤虞爲中士  
川衡爲下士其序官則川先于澤者以四瀆尊爲輿  
地之大戒也然此所掌特地官財賦  
之事至于疏導之灋則冬官詳焉

### 山虞掌山林之政令物爲之厲而爲之守禁

山之所產材木禽獸金玉錫石所有不同每物各有  
蕃界部分其地之人使之爲守不得妄入立灋以禁  
之不得妄取非惟使下民無兼併專利爭奪攘竊之  
患亦使物得遂其葆儲孕毓暢茂蕃殖之性所以事  
簡而上下均獲其利也按山之利甚博而此下專以  
材木爲言者蓋鳥獸金玉自有迹人什人等分職材  
木于山爲至重故特詳焉其餘  
雖掌其政令而自有專職也

### 仲冬斬陽木仲夏斬陰木凡服耜斬季材以時入之

陽木陰木者鄭氏云春夏生者爲陽秋冬生者爲陰後鄭氏云生山南者爲陽生山北者爲陰二說宜參用春生之木仲冬而老冬生之木仲夏而老及此時而斬之順其物成之時也若秋官柞氏夏日至刊陽木冬日至剥陰木則以欲殺之故當其生長之時而摧敗之也服車器耜農器季謂木之老者舊說解爲穉材非也車農之器其用爲至勞皆須堅韌之材豈以穉木而可用乎季字之義以三時所生之序言則孟生爲長季生爲少自一物之生而言則孟爲初生而季爲老也以時入之者器有宜陽宜陰若嶧陽孤桐陰竹之管及老木堪爲服耜者竝取之有時而入于器用之府此皆斬木之灋也

令萬民時斬材有期日

草木零落然後斧斤入焉既取其應入之時不得戕其生長之

性復限以應止之日不得盡物取之也

凡邦工入山林而掄材不禁

掄音倫○

大匠爲國家擇取良材貯之以待用有需則入山虞不得而禁之其斬之亦必于冬夏也春秋之斬

木不入禁

不時所需可斬四野之木亦不得入所禁之中蓋不禁者國家大用與下民異也春秋不

入禁者不可以戕物性灋行自上以爲百姓先也

凡竊木者有刑罰

既設厲禁復有非時

而取者刑故無小故能令行禁止已上皆斬木之禁

若祭山林則爲主而修除且蹕

山虞者山林之所依故主其祭及爲之修除壇

壇蹕止人行

若大田獵則萊山田之野

大田獵王親佃也萊謂芟除草萊爲止舍立表致禽之處

及弊田植虞旗于中致禽而珥焉

珥音筮○田者止則山虞植熊虎之旗于

所萊田之中使獲禽者皆致于是珥取禽左耳以獻于王也田獵象討臯致禽而珥若獻囚執馘以効功之意

○馘

音國

林衡掌巡林麓之禁令而平其守

禁謂厲禁之中不得妄取者守謂部署其

胥徒及居民使各守其地也令若斬木之灋及斬木之禁此皆山虞掌之林衡持奉行之而已故平時以其禁令而巡察之無致疎虞平○以時計林麓而賞罰之防範

周密林木盛長者賞之其疎漏以致盜竊及林木衰耗者罰之○若斬木材則受灋于

山虞而掌其政令

入山有時出山有期及四時各有應斬之木並受灋于山虞體統常出于

也一

川衡掌巡川澤之禁令而平其守

爲之厲禁取之有灋入之以時皆出自澤

虞此川衡主巡察之及均平其守川之人也

以時舍其守

獮祭魚漁人入澤梁又若荒政之舍

禁竝不爲之厲禁也

犯禁者執而誅罰之

謂數畧及非時而入者

祭祀賓客共川奠

遵豆之實魚鱗蜃蛤之屬也

澤虞掌國澤之政令爲之厲禁使其地之人守其財物

以時入之于玉府頒其餘于萬民

澤虞之職掌其政令爲之厲禁設其典守

大約與山虞同財物若骨角珠貝之類其美善者入于玉府取之有數餘則頒于所守及所取之民不以爲私

也

欽定四庫全書

周禮傳  
卷二下

四十六

凡祭祀賓客共澤物之奠

籩豆之實芹菲菱芡之屬也

器紀共其葦

蒲之事

凡器事所集人衆而遽用畢而廢故以葦席象宮室而爲之以爲覆墻待諸侯之所又司几筵

器事設葦席天子倚廬所用禮既虞卒哭芻翦不納是也又茵著用茶藉棺用萑席皆器紀所需也○芻月古

反萑音

九蘆類

若大田獵則萊澤野及弊田植虞旌以屬禽

大田獵掌事並同山

虞但山多獸故用熊虎之旗澤多鳥故用析羽之旌山虞言致禽自獵者致于虞中言此言屬禽自王所取而言屬者謂聚之而別其類諸侯之禮每禽三十焉一爲乾豆一爲賓客一以充君之庖天子當有加也

按山林川澤雖天地自然之利苟得其養而無所枯則有無窮之利苟失其養而又日有所害則山林必

至于童赭川澤必至于耗竭故爲之禁以杜其無厭之欲爲之守而責有所歸川衡云犯禁者執而誅罰之蓋罰必當而後令行林衡言計林麓而賞罰之有勸戒而後人肯盡心也凡周公之政君民一體非徒厲民以自爲故山虞言令萬民時斬材有期日入山有時出山有期澤亦如之矣澤虞言以時入之于玉府頒其餘于萬民貴者公之餘則頒之山亦如之矣山澤之物國用所需澤虞云祭祀賓客共澤物之奠川衡云共川奠而山虞不言者掌于角人圉人等也山澤之地行狩所往山云致禽而珥澤云屬禽致則必屬彼此相備山澤之神國祀所及山虞爲祭山林之主則澤虞爲祭川澤之主不言可知矣大較虞尊衡卑故守山澤之禁令出于虞而衡惟受之云

迹人中士四人下士八人史二人徒四十人

欽定四庫全書

周禮傳  
卷二下

四十七

獸以夜見然其出入有道路一定而不易但觀其足跡即可得其處故謂凡尋覓者爲蹤跡官以迹人名者主知禽獸之處田獵則用之爲耳目天文壘壁陣之八魅也○覓音密

卅人中士二人下士四人府二人史二人胥四人徒四

十人

卅卅即今礦字古文作  
卅象開鑿得金之形

角人下士二人府一人徒八人

羽人下士二人府一人徒八人

此亦荐貢所用後世  
所謂翎毛之稅也

掌葛下士二人府一人史一人胥二人徒二十人

掌染草下士二人府一人史二人徒八人



掌炭下士二人史二人徒二十人

露積故無府

掌荼下士二人府一人史一人徒二十人

荼音徒

此官掌凡疏材之物荼以共器用其事爲重故以名官

掌蜃下士二人府一人史一人徒八人

蜃日謹反

主鍛五物蜃物而以掌蜃名者蜃用于器紀祭祀故以命官也

圉人中士四人下士八人府二人史八人徒八十人

場人每場下士二人府一人史一人徒二十人

迹人掌邦田之地政爲之厲禁而守之

山澤之中有善水草之處山無溝水無圍不可以耕稼因用爲邦國時田之地蓋即藪牧長蕃鳥獸者詩所謂東有甫草駕言行狩也迹人遮列守之禁民無得妄入禽獸無所戕賊自然蕃息其中非特用爲上下無窮之利而亦使禽獸得安居而遂其性也按迹人之厲禁與爲弇于國中異者此之守以爲公彼之守以爲私也

凡田獵者受令焉

迹人素知禽獸所在及林木翳薈不可投陷之處故用以發蹤指示庶不

至于即鹿無虞惟入于林中也

○禁麇卵者與其毒矢射者

麇音迷○麇麇子卵

子鳥

聖人之政不妖天此與不成禽不獻同意毒矢射爲其賊物之心太甚二者雖田獵時猶爲之禁平時可

知矣

卅人掌金玉錫石之地而爲之厲禁以守之。卅教猛反

有五而獨舉金錫二者金至剛錫至柔又金銀貴銅鍤  
錫賤故各舉其一以配玉石言其實兼五金也玉之類  
若雍之球琳琅玕揚之瑤琨魯之璫璵石之類若珉璚  
璚璚其類甚多要之各有所產之地故爲之厲禁以守  
之也。○琨教璚反璫璵珉璚璚璚讀作審余民無聰進。○若以時取之則物其地

圖而授之。國用有乏不得已而後取之若職金國有大  
故而用金石也物謂土之色味即其物色而

知地脈中之所生猶山師之辨其物與。巡其禁令。開取  
其利害也授之以圖使知所當採之處。巡其禁令。開取

尤啓攘竊之端禁令者即職金之戒令卅人巡視之庶  
無疎虞也。○掌金玉者非一卅人掌所產之地職金掌

取之之政內府  
玉府掌其入

凡五金玉石皆有所產之地本虞衡之所掌但利之所在姦之所窺又特設卜人專掌而守之蓋黃金百煉不耗久埋不衣得土之全德玉備五德以比君子其未經琢鑿者能却水火鎮國家其餘四金美石皆爲世用而不可缺物爲之守所以絕爭奪盜竊之源以時取之可以助國家之急取之有度不至于泄天地之藏此卜地雖不外乎山而厲禁又在虞衡之外卜人之職所以特重而掌之以中士也

角人掌以時徵齒角凡骨物于山澤之農以當邦賦之

政令

象之齒犀兕牛羊之角牛馬駝魚諸獸之骨及須瓜之屬皆可以爲百工之材也農有三山澤平地

靡不受田有粟則出粟無粟則各貢其所有以當邦賦

以度量受之以共財用

量

權其輕重度以度其長短入則爲邦賦輸于官者不得多取出則爲邦用給于百工者不得侵牟也

按山澤之農其所獲米粟視平疇爲艱而國中所須于山澤之物有不能免者故不必強彼所難而此自可以無匱取彼所羨而此又得以爲利所以爲通融之灋彼此交受其益也

羽人掌以時徵羽翮之政于山澤之農以當邦賦之政

令翮鳥之六翮羽強猛者羽翮用于旌旄車飾矢翼邦用之不可無者故征之凡受羽十羽

爲審百羽爲搏十搏爲縛搏音博縛文懲反。十羽爲審言少而詳審之名十審則

百羽而爲搏言手持之名十搏則十羽而爲縛則總而收束之也古者筭物每十則揭其總故雖多而益辨

羽不可以權度受之故以其數

掌葛掌以時徵絺綌之材于山農凡葛征

絺昌兮反綌坤逆反○葛

之精者曰絺麤者曰綌生于山故以時徵于山農徵草貢之材于澤農

草貢蒚蒹

卉吉之屬可緝績爲布者草多出于澤故徵于澤農○蒚與蒹同坤綱反

以當邦賦之政令

取之以當邦賦亦與角羽同既徵則入于典婦功

以權度受之

葛草不可以長短度此言度者

蓋或以成布輸于官故以度受之也

掌染草掌以春秋斂染草之物以權量受之以待時而

頒之

染草之物藍以染青蒨以染紫皂斗以染黑槐栝以染黃其餘五色五間各有其物春秋斂之者或

採其花葉或採其皮實各有其時也待時頒之者頒于染人夏纁玄秋染夏也○蒨茜同清見反

掌炭掌灰物炭物之徵令以時入之以權量受之以共

邦之用凡炭灰之事

灰凡石灰蜃灰烟煤之類以共甃砌澣練黝堊之用也炭之所用尤

多必以權量受之者或權其輕重或量其多少不以微物而無數周公之克勤小物如此○甃清又反澣月管

反黝英九反

掌茶掌以時聚茶以共器事

既夕禮茵著用茶謂茅秀也其質輕盈著于茵中樞

下墻時用以爲籍既取其軟又取其收濕氣秀時聚之器則共之○著音勺

○徵野疏材之

物以待邦事凡畜聚之物

野疏材之物即大宰九職中臣妾之所聚斂茅以供祭祀

芻茭以飼牛馬萍以養豕及凡藥材雜物生于山澤曠野不畜于人而爲用于世者凡畜聚之物園圃所毓草

木根實可以禦冬者徵之者取于山澤之農以當邦賦也以待邦事者入于委人以共祭祀器紀賓客軍旅之也

掌蜃掌斂互物蜃物

互物者甲虫其殼交互若龜鼈羸蚌之屬掌蜃主斂其殼蓋以爲器

物鹽藥蜃灰等用也

以共闡壝之蜃祭祀共蜃器之蜃共白盛之

蜃

閨音因蜃音忍○閨塞也穿壝後實以蜃灰潔濕氣也祭器飾以蜃其用非一也人職凡山川四方用蜃

春秋天王使石尚來歸蜃公羊以爲宜社之肉行人職云歸蜃以交諸侯之福則主祭宗廟言是山川四方社稷宗廟皆有用蜃者而或以共鬯酒或以共肉用各不同此復言白盛之蜃者黍稷在器曰盛蓋又以飾盛器也凡以蜃飾器者竝取其殼之白而有文采舊謂以蜃灰飾之灰豈可以爲器之飾乎



按大府云山澤之賦以待器紀蓋材木蜃炭蒲葦金石皆器紀所需而金又可以佐其用之也至于閭師徵賦之灋曰任衡以山事貢其物任虞以澤事貢其物者山澤之中所產至博器紀豈能盡用之要之以待邦國之用故于米粟則入于倉人金石則入于受藏之府其餘角羽葛炭染草茶蜃其物至爲煩碎且易于毀敗故別設角人羽人掌葛掌染草掌炭掌茶掌蜃等官兼徵于山澤之農則事有統攝職有專司而無毀敗之虞矣

囿人掌囿遊之獸禁牧百獸

囿音又。苑中設爲禁防。孳養百獸于內。蓋凡田獵

所得可爲用而不家畜者皆于是乎養之欲用即可得。不必求之于曠野。此已富于公民不得取之故有禁也。國中開曠之地爲之苑囿。牧百獸其中。以爲祭祀賓客不時之需。因而爲遊觀之樂。是故呈象于天。則有

天苑詩云王在靈囿鹿濯濯白鳥鶴鶴王在靈沼於振魚躍又曰有卷者阿飄風自南來遊來歌以矢其音其斯之謂歟師曰天理生生之樂根心而萌過之則天機息縱之則人欲滋夫欲何厭之有故盤于遊田淫于逸樂聖人既已嚴爲之防而苑囿遊觀又密寓夫轉移之術九重沉沉天上人間相隔苑中爲離宮臺榭接于民居人主時出一遊因是以知民俗此一助也殿庭之間所見天咫神爽得無壅乎適野則天宇四垂鳥獸草木生意盈滿曠然得大觀焉此二助也賢者常館于是人主就而訪之發其尊德樂道之誠游焉息焉恒與相接此三助也昔孟子見梁惠王于沼上告以賢者而後樂此齊宣王見孟子于雪宮告以與民同樂其深得周公轉移君心之妙術乎○卷音權

祭祀器紀賓客共其生獸死獸之物

生獸若麋鹿之可以生共者共于膳夫殺之死獸若狐兔之不可以生共者圉人殺而共之此皆爲罋祭賓客而畜之若後世掖庭虎豹犀象咸備此周公所放而遠之者也又何畜焉詳見服不氏

按田獸一事錯見于天地夏秋四官其義何居夫藪牧者地官之所掌也故迹人掌田獵之地動物皆天產故天官獸人掌田獸之政既得其獸其中殺而宜乾之者則入于腊人天官膳夫以供膳爲事也其生獲而可畜者則入于圉人以待用地官以牧養爲事也其有猛獸若熊狼者亦祭祀所需恐其傷人害物不可入于圉中則養于服不氏此則夏官以服猛爲義也至于秋官之冥氏掌攻猛獸穴氏掌攻蟄獸則凡惡獸之爲害于民物者有即除之使無滋蔓捕之無時取之無禁獲之即殺此則秋官主除惡之義與驅猛獸同道義各有當如此蓋均有育物之責者也

場人掌國之場圃而樹之果蔬珍異之物以時斂而藏

之蒹禮果反。果棗李之屬。凡木生者。蒹瓜瓠之屬。凡草生者。珍異蒲萄枇杷之屬。品之佳者斂而藏之者。

時鮮不可常繼乾○凡祭祀賓客共其果蔬享亦如之

而畜之以備用也  
享謂宗廟月享即每月之薦新及賓客之燕享也

字書土受易明曰場謂地無山水之險林木之蔭而受天日之易者故樊其外以爲園樹植其中以爲圃即九職之園圃毓草木者也此與詩之九月築場圃異者彼謂將樹瓜蒹則樊場爲圃將納禾稼則築圃爲場宅地在田中者俾無閒曠耳醫書五穀爲養五肉爲補五菓爲輔五菜爲充蓋食以穀爲主然專食則其氣凝滯動物性悍令人驟補而不易化果實鮮美所以扶助元氣故曰輔菜蔬疏嫩所以宣通胃氣

故曰充皆人生之不可少者此場人之所由設歟城廓居民之外其有隙地或爲公家之圃則此場人所掌或爲私家之圃則閭師所任而所謂園廛二十而一者也在天文天園者場人之職敗瓜瓠瓜者閭師之所掌歟

按九職之序三農園圃虞衡藪牧四職皆主于生物者然九穀有溝洫菑畲灌溉之事有樹植芟夷收穫之勞非百倍其功不得用登真所謂粒粒皆辛苦也園圃之職其木實之果一植而有數十百年之利草實之藪與夫菜茹植之貴得灋要之亦不若粒食之艱此則場人之所掌也藪牧之地其深阻而可以縱野獸者則爲之厲禁或爲田獵之地而迹人掌之或畜夫田獵所得之獸而園人掌之其平漫而可以牧擾畜者則凡牛人校人小子之所掌皆于是乎牧之也樹畜二事但貴于蕃衛之嚴使無所傷稍加以生

養之方無不竭茂而茁長者用力少而有自然之利者也至夫山澤之中草木生之禽獸居之寶藏興焉貨財殖焉其利至博而不假于人力但貴于吾所以取之者有其道而已故設虞衡之官以守之深恐夫愚民取之無度有傷夫山澤之性故爲之厲以遮列之爲之禁以防閑之均平其地之人以守之有賞罰以齊其功梟有誅罰以治其犯禁則草木得以暢茂禽獸得以蕃殖金玉錫石珠貝之物得以孕蓄其精英而不漏泄然後以時而田以時而漁以時而斬木材以時而取金玉之物其出入有期其採取有禁邦工輪材之外木皆民用也大獸公取之外獸皆民食也入于玉府之外財皆民資也其長養之也初無假于人力而其取之也若固有上下寧不富足乎然此乃山澤之多利而可以爲官守者耳至于深山大澤人迹所不及不能以官守者不得不聽民之自取其利也角人以下七官以時徵其物即計其直代其耕

之所獲以當邦賦此則所謂山澤之賦也四者皆生財之路至如百工之所飭化商賈之所阜通嬪婦之所化治臣妾之所聚斂閭民之所轉移皆不過藉前四者以變化之而已然則有國者于三農之外園圃藪牧山澤之職其不可加之意乎然而迹人邦田之地圓人牧百獸之地不外乎山澤之餘非人金玉錫石之地亦不過山川融結之秀場人之所樹果不離于山藪不離于澤此周禮雖各有專官而竝附于虞衡之下也歟

廩人下大夫二人上士四人中士八人下士十有六人府八人史十有六人胥三十人徒三百人

藏米曰廩又圓曰廩

舍人上士二人中士四人府二人史四人胥四人徒四

十人

倉人中士四人下士八人府二人史四人胥四人徒四

十人

藏穀曰倉  
又方曰倉

司祿中士四人下士八人府二人史四人徒四十人

司稼下士八人史四人徒四十人

種穀  
曰稼

廩人掌九穀之數以待國之匪頒賙賜稍食

此總掌米穀之事蓋廩人雖掌米而所收有限凡倉人所收與稍委所貯靡不知之故云掌九穀之數也匪頒家削之賦以待匪頒司祿所掌凡仕者之祿也賙賜王有恩惠以與其臣民遺人邦之委積以待施



惠鄉里之委積以恤民之難阨也稍食宮正內宰所謂均其稍食即豪人所共外內朝冗食者之食舍人之所頒也

以歲之上下數邦用以知足否以詔穀用以治年之凶

豐數上聲

此會計國用之灋每歲司稼以年之上下出斂灋廩  
人量歲入若干通計國用若干知其有餘不足告之  
于王有餘則藏之不足則節省所謂詔穀用治年之  
凶豐也蓋凶豐者天時有以治之則有餘不至于狼  
戾不足不至于饑餓  
贊助之功存乎是矣

凡萬民之食食者人四鬴上也人三鬴中也人二鬴下

也

補音甫

若食不能人二補則令邦移民就穀詔王殺邦

用

此會計民食之瀘民數有定廩人以高下原隰之所  
收而總計之每人于一歲每月得穀幾何鄭氏云古  
今皆按月給請故知此皆一月食米是也六斗四升  
曰補所謂每人者止以丁男言而婦人童子在其中  
矣補者以穀計爲米則減半矣每月人四補實計人  
日米四升故爲大有年人三補實計人日米三升故  
爲中年人二補實計人日米二升故爲無年也不及  
人二補則爲大凶之年移不足處之民就穀有餘之  
處近而都鄙遠而王畿外內皆得相通天下一家也  
殺邦用者若膳夫大荒則不舉司服大荒則素服掌  
客凶荒則殺禮大司樂大凶大  
裁令弛縣爲民父母之心也

凡邦有會同師役之事則治其糧與其食

會同大師大役皆主用衆

行道曰糧糗精也止居曰食米也治謂均給之

大祭祀則共其接盛

接者繼續之義也言春而又春即說文所謂米一斛春八斗爲穀復

從穀一斛春九斗爲鑿也

天子藉田所獲收于御廩此廩人掌之祭天地祖宗用之不以給小用敬之至也其他祭祀共于春人

舍人掌平宮中之政分其財守以灋掌其出入

王宮之稍食宮正均之后宮之稍食內宰均之政謂用穀之政分其財守者計其用穀之數分派宮正內宰使守而頒之也取于廩人則有入數分于宮正內宰則有出數竝以大宰之式灋行之右主祿食之米

也

凡祭祀共簠簋實之陳之賓客亦如之共其禮車米筥

米芻禾器紀共飯米粢穀

筥音舉粢音敖○圓內方外曰簠以盛稻梁方內圓外曰

簠以盛

黍稷

祭祀賓客簠簋並后宮之事舍人主實而陳之賓客致饗饗之禮有筥米設于中庭有車米芻薪陳于門外器紀之事飯以實口不忍虛也君用梁大夫用稷皆四升實者唯盈焚穀錯于棺旁亦苞苴之意器大記曰君四種八筐大夫三種六筐士二種四筐王其六種十二筐與○已上主用禮之米

以歲時縣種陸之種以共王后之春獻種

王將耕藉內宰詔王后獻種稜之種舍人共之預縣之以達風氣使無朽腐也

# 掌米粟之出入辨其物歲終則會計其政

米穀之數通掌于廩人而舍人司其出納者亦猶職內職出之于大府有監臨之意也九穀皆別爲書日有成月有要歲終會之與冢宰司會相通

## 倉人掌粟入之藏

粟穀未去殼之稱也閭師徵國中四郊之賦縣師徵野賦並入于此辨

## 九穀之物以待邦用

九穀解見大宰辨九等之各爲收貯隨邦國所用而出之物

## 若穀不足則止餘灋用有餘則藏之以待凶而頒之

無年穀不足則于式灋當用之內量爲停止若省禮殺哀去其不急以寬民豐年用有餘則于式灋之外

不敢妄有所費藏以待乏  
此有司守瀆出納之常也

凡國之大事共道路之穀積食飲之具

積音至。國之大事謂寇戎也。

廩人治其事此職與遺人隨地給之

司祿

職掌闕。按天府獻穀數于王則祭天之司祿其星在虛宿下與司命人星相比蓋所以制人祿食

者也故新穀登則祀而用之此官主頒仕者之祿故以司祿名其文闕如者或曰當時有惡其害已者而去其籍矣然以孟子班祿之瀆據春秋及司儀王朝公卿大夫士之爵則自有一定之數因爲之圖說學禮者當有攷云

頒祿圖

班祿說 班祿定瀆

司稼掌巡邦野之稼而辨種稂之種周知其名與其所

宜地以爲灋而縣于邑閭

種稂音同  
六縣平聲

稼有百種其樹之時同人力又同而所收有多寡者  
土有宜有弗宜也司稼徧觀而盡識之視其實蕃者  
辨其種之名宜于某地立灋縣示于邑閭使嗣歲依  
而行之蓋民各居其方局于所便司稼巡于各野故  
所見自廣也大司徒土宜之灋載師揚地  
事皆掌其大凡而已百種之宜司稼詳焉

巡野觀稼以年之上下出斂灋

天時有旱潦地里有高卑每歲收穫不齊司稼履畝  
觀之定爲斂灋豐年則全斂中年則有寬減猶漢灋  
之十傷二三實除減半之云二三荒者免之七八熟  
者徵其半凶年則無財賦凡司書稅斂之受灋均入

之均力政廩人之詔穀用皆本于此蓋牧田之貢必有其瀦則收斂不頗井田之助亦必有瀦則收貯有數也

# 掌均萬民之食而調其急而平其興

凡歲之豐凶萬民同其利害而天患民病則一人專受其禍災故爲之調其急即秋省斂而助不給也爲之平其興春而興舊易新驢戶頒之無有所偏也二者所以均萬民之食皆佐旅師爲之

按天文西方宿曰胃主天之儲藏五穀之府所以會計邦用又其附星曰天廩主天子御廩以給衆盛此官主司會計穀入之長御廩穀入之至尊故使掌之而因以廩人命官擇舍人以下諸官而稽其出入計歲之豐凶以上下其式用計民食之足否而爲之移民通財邦有會同師役而調兵食非良轉運之才不



能也其事與大府相聯而米穀出入貴重浩大故秩爲下大夫又天文有天倉主粟入之藏即此倉人也貢賦之穀于是乎入邦用之穀于是乎取廩人之計國用必與聞故不足則止餘灋有餘則藏之廩人之調兵食必與偕故大事共其道路之食但廩人主計其數而此則主收貯其物也舍人者掌王宮后宮穀用凡士庶子庶人之在王宮與夫嬪御女宮奄奚女奴之祿食及祭祀賓客器紀之禮米聯事于內宰宮正在王宮八舍之內故以舍名也司祿者主百官府之祿者也司稼者主百種之名物土宜以教民之所趨避因而巡其歲之豐歉以爲斂之輕重量其民之貧富以爲賑施之厚薄此粒食之本夫後世倉廩之官但知以征科爲事而已周公于倉廩之下而特係以司稼一職周知其種地之所宜以示之于民則所收自倍觀其年之上下立斂灋以示之于吏則徵斂不頗賙其急而平其興則耕無不足欲收米粟也而

必善其種之所自出欲徵其貢賦也而必使其民之有餘力此周公之征稅所以異于後世也

春人奄二人女春抗二人奚五人

春聖容反抗音遙

饔人奄二人女饔八人奚四十人

饔昌又反亦作饔

橐人奄八人女橐每奄二人奚五人

橐坤告反

春以手執杵舂于臼也抗以手轉米曰中使舂之勺在天文爲杵曰饔炊饔穀食之名主祭祀賓客王及后之食在天文爲天厨內厨橐猶犒師之犒主冗食者故以橐名在天文爲外厨女春抗女饔女橐皆民間女之長于是者故使董之領之以奄者以執事皆女人也

春人掌共米物祭祀共其盛盛之米賓客共其牢禮之

米凡饗食共其食米

饗食音是。米脫粟之後復舂治之去其糠皮而後可食舂人主共

之盥盛以寶簋簋饗以酒爲主而共食米亦猶食以食爲主而設酒也二者竝共于饌人牢禮之米以寶筐筥

共于掌客掌凡米事

謂王后世子嬪御外內朝冗食饗者老孤子士庶子等食米也

饌人掌凡祭祀共盛共王及后之六食

即食用六穀也

凡賓客

共其簋簋之實饗食亦如之

橐人掌共外內朝冗食者之食

冗日勇反。外朝在雉門王詢萬民之朝也司

冠朝士掌焉。中朝在路門即治朝也。宰夫司士掌焉。內朝在路寢公族之所朝也大僕小臣掌焉。言外內朝則中朝在其中給事王朝不得歸舍或以事謁王而賜之食竝橐人共之故曰冗食也。○若饗耆老

孤子士庶子共其食

按饌人之職貴重而簡要。稟人之職冗雜而煩多。故不以相混。又天官內饗共王及后世子之膳。羞宗廟之割烹外饗共外祭祀之割烹。賓客之饗殮饗食則與饌人聯事者也。外饗掌者老孤子士庶子之饗則與稟人聯事者也。夫膳穀一事而必分屬于天地二官者。膳乃天產故屬之天官。穀食乃地產故屬之地官。酒亦地產而屬天官。以酒屬陽故也。

掌黍祭祀之犬

黍音患。犬金畜共于秋官而黍于此者以穀食之便且唯屬于稟人而不予

饌人者以共至尊者雖餘不可褻也

周禮傳卷二下